

QVÆSTIO MEDICA.
CARDINALITIIS DISPUTATIONIBVS MANE DISCVTIENDA
 IN SCHOLIS MEDICORVM. DIE IOVIS XII. MARTII,
 M. IOANNE COVSIN, Doctore Medico, moderatore.

An Pisces Carnibus salubriores?

840.

NATVRA, cui non vitæ cupido maior quàm cura, cunctis quæ genuit animantibus alimenta peculiaribus eorum naturis conuenientia impertiuir; Talpæ terram, Cicadæ rorem, Chamæleonti aërem, fodinarum Cypri bestiolis ignem, stirpibus & piscibus aquam: soli homini, in cuius vsum omnia videntur procreata, tot genera ciborum aut ipsius vtilitati aut voluptati sapienter indulsit. Non omnes eadem capiuntur elæ, sed quam appetunt, priusquàm ingerant, olfaciunt. Quæ iucundiora, suauiora, & ab omnibus expetuntur alimenta, sine iniuria putes meliora. Hæc ventriculus optat auidius, arctius amplectitur, expeditius, etiam languens, concoquit: inde *ὀρεξια*, & à quibus minor fit excrementorum congestus, fastidium non pariunt, citius conficiuntur, tenera, leuia, rara, friabilia, tenuia, humida, dulcia, nec vllâ ingratâ qualitate affecta,

ΠΟΝΟΙ, *σπία, πονα, ὀντος, ἀποδία, πόντα, μέρρα*. Omne multum naturæ inimicum. Vt cibi etiam *ὀρεξια* satietas fugienda, ita & is qui mali succi, palato si placeat, parca manu conceditur impune. Qui alimento robur sibi quaerunt, si telluris inutile pondus. Edimus vt viuamus, non è contrâ, viuimus vt edamus. Cibi ad sanitatem optimi, qui ingesti satis sunt fami & siti, & perfectâ post coctionem secretionem *ἐκκρίσις* per aluum secedunt: Hi ventrem nec soluunt nec cohibent, stomacho nec robur nec imbecillitatem faciunt, ita nec sudores vrinamque prouocant aut coërcent, neque aliam quamuis dispositionem calidam, frigidam, humidam aut siccam in animantis corpore ingenerant: sed quale animantis, quod nutritur, corpus inuenerint, tale prorsus conseruant: quæ denique nec medicamenta sunt, nec alimenta medicamentosa, sed simpliciter alimenta.

ALIMENTA (quæ totius substantiæ familiaritate in corporis animati substantiam conuerti possunt) ab animalibus terrestribus, volucris & aquatilibus præcipuè desumuntur: inter quæ Pisces primas tenent; quorum, siue sint *ἀσπιδόεις*, siue *βαλάνειοι*, siue *πτερόειοι*, succus est optimus: cunctis tamen antecellunt *πτερόειοι*. Alimonia ex ipsis non modo concoctu facilis est, sed saluberrima: sanguinem consistentiã mediocrem generant, detergent, leues sunt, siccum suppeditant alimentum, augment & nutriunt admodum, quique vt sunt friabiles, ocyùs coquuntur, faciliùs permancant, nec excrementa multa statûsque relinquunt. Nullus his inter edendum lentor, non fatuus aut ingratus, sapor vt carnibus: quæ siue ex pedestribus siue volatilibus petantur, piscium bonitatem non æquant. Illorum caro valentiùs nutrit, sed hæc fit Athletarum, non benè habitorum: horum salubrior quidem, tenuior, & ad coquendum facilior, sed parcius, immò paucissimum præbet alimentum. Carnes denique omnes ægrius superantur, tardiùs distribuuntur, excrementorum faciunt ingentem prouentum: molliores sua pinguedine subuertunt ventriculum, appetitum deiciunt, faciliè bilefcunt & in vapores absumuntur: sicciore, duriores sunt parumque nutriunt; & vt pisces mediam consistentiam tenere certum est, sic carnes in excessu esse satis comprobatur.

HABENT ab ea mediocritate substantiæ pisces, quòd pinguedinem nullam aut paucam generent, diu citra fœtorem durent, non sanis modò, sed ægris etiam omni ætate & tempore conueniant. Hyeme, suâ euchyimiã intensum calorem nationum temperant, æstate, siccitatem ab ambientis feruore partibus impressam emendant; Vere, mediam corporum temperiem conseruant, vnde Quadagesimali tempore (inuitis impiis) summopere laudandi; Autumno, ob breuem in ventriculo moram, coctionem non perturbant. Ex piscibus, si quem reficere voles, valentes dato. Hi se in calido exercet ad succi probitatem, nec tamen vnquam motu incalescunt aut exsiccantur; immò aquæ frigiditate & humiditate temperantur. E carnibus, quas ægris tutò possis præscribere, sanis citra sanitatis dispendium concedere, ni prouideas, nullas inuenies: motu, vel etiam moderato, sicciore euadunt; immotæ molliore plus inlo redduntur & humidiores.

CARNES, quòd substantiã sint crassiore, ventriculo graues, vix perfectè subiguntur, crassum, lentum aut viscidum succum proferunt, corpus quàm par sit robustius validiùsque faciunt, & ob id breuioris æui ac omnis generis morbis obnoxium, mentis hebetant aciem, hominem crassum reddunt & stupidum, & cui anima sit pro sale. Salubriores, & ob delicias cæteris anteponendæ, Siculorum menis, quibus edulia mare porrigebat. Hæc corpus reddunt *ὀστεομακρον*, non obesum & adipe multo delibutum, longioris vitæ, ab omnibus morbis immune, nec non *λατὸν χρόνον* viuunt. Hinc Ithyophagi & quibus pisces pro pane, diu degunt incolumes, mentem habent sanam in corpore sano. Piscibus quippe tanta cum naturâ nostrâ familiaritas, vt non aliâ magis carne quàm humanâ delectentur, eos ipsi possimus vel crudos tutò deuorare. In his quicquid inest cæteris alimentis, tum ad gratiam palati, tum ad succi bonitatem, plenius reperitur. Verè *ὀστεομακρον* ἀσθεν, Deorum & Heròum, quibus præcipuè nascuntur, cibi, qui perfectè sanos tuentur, neutros præseruant, ægros reficiunt, & quod votis omnibus exoptandum in alimonia, *παρὲρ ἡμῶν μέγιστος γίγας Ζῆντας*.

Ergo Pisces Carnibus salubriores.

Proponebat Lutetiæ **CLAVDIUS LE VASSEVR**, Parisinus. A.R.S.H.M.DC.XXXVII.